

Minister Lee di bishita cerca cunukeronan di Aruba Nelson Sprok su plantacion ta muestra di dedicacion di nos cunukeronan



ORANJESTAD (AAN): Si-
man ultimo cu ta tras di
lomba, Minister Ramon Lee
di labor, cultura y deporte
bou di cual e sector agricola
ta cai, a bishita e cunucu di sr.
Nelson Sprock na Washing-
ton. Den cuadro di plannan pa
e sector di agricultura, cria y
pesca, despues di un dia pub-
lico exitoso di Santa Rosa
(LVV), Minister Lee kier a
mira y scucha pa su mes kico
ta come y bebe for di e propio
productornan local.

Sr. Sprock ta planta pa hopi
año caba y poco poco a adapta
tur su cunucu pa asina subi su
produccion. Asina ei, riba su
propio forsa el a busca varios
material y equiponan y con-
verti esakinan den bakinan pa
planta. Pa yuda soluciona e
problema di awa cual ta e fac-
tor limitante mas grandi pa
horticultornan na Aruba. Sr.
Sprock a construi su propio
tanki den cual e ta colecta awa
di yobida y ta usa esaki pa
muha su plantacion. E cunucu
ta muestra di dedicacio y
creatividad di nos cunukero-
nan cu kier y por planta.
Ehempelnan asina ta muestra
nos tur akinan cu nos por pro-
duci maske ta parti di nos
propio cuminda.

Durante e bishita Minister
Lee a keda impresionado di por
a mira Calbas Largo, War-
moes, promente y varios otro
berduja cual sr. Sprock ta
produci te cu e ta vende cu
supermercadonan local. Pub-
lico naturalmente por pasa
tempran cerca dje si ta desea



di cumpra berduranan recién
cosecha. Tambe e mandatario
a intercambia riba diferente
aspecto di horticultura, esta
problemanan cu horticultor ta
experiencia y a cambia di idea
con por soluciona of alivia
esakinan. Awa ta e factor
principal pero igualmente lo
yuda si tin mas materialnan
disponibel. Pa esaki Minister
Lee ta splica su intencion pa
converti Santa Rosa den un
centro di informacion y un
centro di benta pa material-
nan necesario. Minister a
keda di reuni riba corto plazo
cu dirigencia di e depar-

tamento en cuestion pa cu-
minsa bira mas activo y mas
cerca di comunidad.

Minister Lee a termina su
bishita felicitando sr. sprock
y deseando e tur clase di forsa
y exito cu su bunita trabao.
Den futuro cercano por spera
mas actividad riba e sector
primaria como cu Minister
Lee lo pone su empeño di
pone mas fondo disponibel pa
yuda e sector aki. E balor cul-
tural y su contribucion pa
spaar divisas, y come saluda-
bel ta haci e sector aki mas
importante cu ta muestra a
prome bista.

DIADOMINGO, NOV. 9

10 - 12 MAINTA

**Decoracion
di Napkin
pa mesa ...**



Demonstracion y workshop
Cu Flora Koolman

Gratis

DIAMARS, NOV. 11

6 OR ATARDI - 8 OR ANOCHI



**Workshop Decoracion
di bolo di Pasco**
Cu Yadira Dovale... Den Cafeteria



TELEFONNAN DI DIARIO
582-6747- FAX 582-8551